

Izveštaj o raspodjeli provedenoj u 2024.godini

1. Raspodjela za 2023.godinu

Prema Pravilniku o raspodjeli i Godišnjem planu raspodjele za 2023.godinu, četvrta raspodjela Udruženja Original je izvršena u 2024.godini. Ukupni iznos za raspodjelu bio je 50.000,00 KM, usvojen od strane Upravnog odbora i Skupštine.

Obračun naknade je vršen u skladu sa:

- Zakonom o kolektivnom ostvarivanju autorskog i srodnih prava, čl. 22.st.2.
- Pravilnikom o raspodjeli Udruženja Original
- Godišnjim planom raspodjele za 2023.godinu

Udruženje Original prikuplja i isplaćuje naknadu nosiocima prava iz dvije kategorije: autori (i nasljednici) pisanih djela u štampanom obliku, te izdavači pisanih djela u štampanom obliku. S obzirom da se pravo na naknadu od privatne i druge vlastite upotrebe ostvaruje kroz obavezno kolektivno ostvarivanje, Udruženje Original zastupa i isplaćuje sve autore i izdavače, neovisno da li su članovi Udruženja ili ne.

2. Obračun naknade

Distribucija pokriva sve izvore prihoda koje prikuplja Udruženje (koji se akumuliraju u jednu masu), a koji uključuju sredstva prikupljena od reprodukcije autorskih djela za privatnu i drugu vlastitu upotrebu: - naknada koju plaćaju fizička i pravna lica koja pružaju usluge fotokopiranja uz naknadu; - naknada koju plaćaju uvoznici uređaja za fotokopiranje. Naknade iz obje sekcije se distribuiraju zajedno.

Prema članu 3. Pravilnika o raspodjeli, prije obračuna pojedinačnih naknada iz distribucione mase se oduzimaju sredstva za fond za naknadne uplate nepoznatim nosiocima prava formiranim u tekućoj poslovnoj godini (rezervisana sredstva), sredstva za isplate stranim društvima, te sredstva za kulturne i socijalne namjene ako su planirana. U 2024.godini nisu planirana sredstva za kulturne i socijalne namjene.

Naknada se dijeli između autora i izdavača u omjeru 50:50.

Distribuciona masa je iznosila kako slijedi:

<i>Ukupni iznos za raspodjelu</i>	50.000,00 KM	Isplaćeno 2024	Preostalo
<i>Iznos za rezervacije-5% ukupnog</i>	2.500,00 KM		
<i>Iznos za strana društva-5% ukupnog</i>	2.500,00 KM		
<i>Iznos za autore ukupno</i>	22.500,00 KM	6.950,40	15.549,60
<i>Iznos za izdavače ukupno</i>	22.500,00 KM	21.891,70	608,30

Iznosi za rezervacije i strana društva se koriste za neprepoznata djela, eventualne korekcije i obaveze prema stranim društvima. Ova sredstva ostaju na računu 3 godine, i ukoliko se ne iskoriste vraćaju se u distribucionu masu i raspoređuju nosiocima.

Atorski honorari se formiraju na osnovu obračuna ili alokacije nakon statističke procjene objektivne dostupnosti svakog zaštićenog djela za reprodukciju, dok se kriterijum i način podjele određuju odvojeno za autore i izdavače. Osnovni kriterij za djelo koje se smatra podobnim za raspodjelu je ISBN broj (International Standard Book Number - međunarodni standardni knjižni broj je jedinstveni identifikator knjiga i drugih omeđenih publikacija), odnosno ISSN broj (International Standard Serial Number - međunarodni standardni broj serijske publikacije kojim se ona identificira), izdati u BiH. Podaci za raspodjelu su prikupljeni iz dostavljenih prijava, iz zvaničnih baza Nacionalne i univerzitetske biblioteke BiH i Nacionalne univerzitetske biblioteke RS, uneseni u bazu podataka Udruženja Original te je u skladu sa Pravilnikom o raspodjeli izvršena raspodjela.

U nastavku je pregled obračuna za isplatu po kategorijama nosilaca prava (autori i izdavači).

AUTORI

Donja granica za isplatu: 50,00 KM neto u raspodjeli

Ukupno kvalifikovanih autora za isplatu: 65

Ukupno autora koji su dobili bilo koji iznos u raspodjeli: 340

Najviši bruto iznos honorara: 500,00 KM

Najniži bruto iznos honorara: 65,26 KM

IZDAVAČI

Donja granica za isplatu: 50,00 KM u raspodjeli

Ukupno kvalifikovanih izdavača za isplatu: 16

Ukupno izdavača koji su dobili bilo koji iznos u raspodjeli: 37

Najviši bruto iznos honorara: 6.064,97 KM

Najniži bruto iznos honorara: 51,44 KM

3. Isplata

Obračun je izvršen u oktobru 2024.godine kada je počela i isplata. Isplata je, zbog nedostatka podataka o nosiocima prava, trajala do decembra 2024.godine kada Udruženje više nije imalo podatke o nosiocima prava koji su ostvarili pravo na isplatu (minimalni iznos za isplatu).

❖ Autori

Isplate autorima čije podatke Udruženje posjeduje su vršene direktno na račune autora, uz obračun pripadajućih poreza i doprinosa. Za autore čije podatke za isplatu Udruženje ne posjeduje, upućivani su lični pozivi, prikupljani kontakt podaci putem izdavača i udruženja autora. Kod autora čiji podaci su se prilikom pokušaja isplate pokazali netačni (broj računa ili JMBG) te kod kojih je došlo do određenih statusnih promijena (smrt, nasljeđivanje), upućivani su lični pozivi za korekciju podataka. Jedan dio novca predviđenog za autore stoga još uvijek nije isplaćen, jer podaci za isplatu nisu dostavljeni. Ovi iznosi se neće poništavati već će biti isplaćeni po prijemu potrebnih podataka.

Ukupni bruto iznos isplaćen autorima je 6.950,40 KM.

Ukupni neto iznos isplaćen autorima je 5.913,56 KM.

Zbir iznosa koji su ispod minimuma za isplatu: 12.654,76 KM.

Iznos rezervisan za autore čiji podaci za isplatu nisu poznati: 2.894,84 KM.

Prema članu 5. Pravilnika o raspodjeli, ova sredstva ostaju rezervisana 3 godine računajući od godine kada je izvršena raspodjela, nakon čega se vraćaju u distribucionu masu.

❖ Izdavači

Isplate izdavačima su podrazumijevale ispostavljanje fakture od strane izdavača (pravna lica) uz iskazivanje PDV-a za one koji su PDV obveznici. Izdavači su kontaktirani direktno (mail i pošta) uz dostavljanje informacije o pripadajućim iznosima naknade i uputa za ispostavljanje fakture. Jednako kao i za autore, neki od izdavača se nisu javili, bez obzira na dostavljeno obavještenje.

Ukupni iznos isplaćen izdavačima je 21.891,70 KM.

Svi iznosi koji su ispod utvrđenog minimalnog iznosa za raspodjelu ostaju vezani za ime nosioca prava i biće pridruženi iznosima koji u narednim raspodjelama pripadnu tom nosiocu prava.

Zbir iznosa koji su ispod minimuma za isplatu: 459,12 KM.

4. Izvještaji

Za svaki isplaćeni iznos, nosiocima prava je dostavljen izvještaj o obračunu sa tačno navedenim iznosom naknade za svako djelo, primjenom pravila iz Pravilnika o raspodjeli. Izvještaji su sastavni dio baze podataka i softvera za raspodjelu te se ispisuju direktno iz ove aplikacije a prema urađenoj raspodjeli.